



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

VI. Primus Sociorum in Occidentis Indiam aduentus. Nouem Socij in Florida  
insula necati

**urn:nbn:de:hbz:466:1-45256**

Pius; multo post etiam Gregorius XIII. Pontifex, Sociis iterum egrotorum curam mandavit, FRANCISCO Borgia nuper extincto.

## CAPVT VI.

*Primus Sociorum in Occidentis Indiam aduentus. Nouem Socij in Florida insula necati.*

**I**N Orientis Indiam pridem Socij complures penetrarant; in Occidentis vero ad eam diem nemo. Igitur FRANCISCVS portam illic apertam, Euangelique lucem, & veritatem inculcis illis gentibus nostrorum opera inferri, ex quo familiam ducere coeperat, vehementer exoptabat. Missi primum Christi anno clo. Io. LXVI. Didacus Lopez, 1566, & Laurentius Gomes sacerdotes. Ludouicus item Ruiz,

M 4 & Al-

& Alfonsus Simonis, in Fortunatas insulas, quæ Canariæ hodie appellantur: vbi meridiani circuli extremum Cosmographi olim collocarunt. Cæterum enim terrarum orbem, nuper Hispanorū navigationibus repperit, qua sol oritur, atq; occidit, veteres ignorarunt: existere tamen, & esse posse, Plato de Atlantidum insula loquens, & Seneca Tragicus, alique diuinarunt. Hos igitur, quos nominavi, comites addiderat FRANCISCVS Bartholomæo Tores, Canariensium Episcopo, homini singulari & pietate, & doctrina. Illius enim de Trinitate Commentarij valde probantur. Docebat hic insulanos Catechesim vna cum Socijs, lustrabatq; diœcesim pedibus ambulans, boni nullum officium Pastoris

*Plato in  
Timeo &  
in Critia.  
Seneca in  
Medea  
lib. 2.*

storis prætermittens. Eo ipso tempore Philippus Rex Catholicus, datus ad FRANCISCVM litteris, pro bona Societatis estimatione, quatuor & viginti in Occidentis Indiam mitti rogat: victui & cultui corporis itinere nihil defuturum, gratumq; id DEO, sibi, & incolis fore. Vt tam honesta, piaque postulanti Regi satisfaceret FRANCISCVS, misit primo electos è multis Socios: Petrum Martines, ex agro Turolio regni Aragonij, Ioannem item Rogeriũ sacerdotes, Franciscum Villaregium. Hi A. D. V. Kal. Sextil. eo ipso anno Hispalensi portu cõscendentes, Floridam insulam viij. Kal. Octob. tenuerunt. Petrus Martines classe exiliens, terram simul attigit, vt DEI verbum, Euangeliumque prædica-

M 5 ret,

ret, interiit, ictus caput pertica  
 ab incolis, qui tum in littore a-  
 gitabant, aduentum Europæ pro-  
 rû prohibitori: mox semitiuum  
 in mare proijciunt. Nimiû pro  
 singulari in DEVM pietatis stu-  
 dio hunc fructû retulit, vt quod  
 pridem optarat, fidei testis, vita  
 decederet. Qui casus tantû ab-  
 est, vt cæteros in Europa Socios  
 ab expeditione deterruerit, vt  
 etiam incitarit magis, quod pro  
 Christo mortem oppetere, &  
 ipsi pari studio exoptarent. Igi-  
 tur secundo post anno clo. lo.

1568. LXVIII. alia missio Sociorum in  
 eas ipsas oras instituta, quibus  
 præfecit FRANCISCVS Ioan-  
 nem Baptistam Seguram, quo  
 se Ioanni Rogerio sacerdoti, qui  
 superstes adhuc esset, eiusq; so-  
 dali Villaregio coniungeret: qui  
 Hauanam portum occupantes,  
 in Flo-

in Floridam post penetrarant.  
 Erat tum forte in comitatu Ca-  
 cicha quidam (sic enim Flori-  
 da in insula principem virum  
 appellare solent) quem Praefe-  
 ctus Petrus Menendes classe in  
 Hispaniam adduxerat. Hic fidei  
 Christianæ rudimentis Cate-  
 chumenus iam imbutus, & sa-  
 lutari baptismi lauacro tinctus,  
 Ludouici nomē acceperat. Cre-  
 debant fore, vt gentis suæ, mo-  
 rumque gnarus, simul & linguæ  
 callens, commode Socios de-  
 duceret, viamque muneret: sed  
 contra euenit. Baptista enim Se-  
 gura septem adhibitis Socijs,  
 Floridam saluus tenuit: reliqui  
 in portu substiterūt, nauibusq;  
 exscensione facta, pedibus por-  
 ro ingressi, duce viæ Ludouico  
 vsi, sine militum Hispanorum,  
 qui se illis vltro comites dabāt,  
 præsi-

præsidio. Suppellectilem sacris  
 procurandis, libellosq; hume-  
 ris gestant. Silvas, tolaq; loca, &  
 paludes, pedibus emesos, com-  
 meatus iam defecerat: herbis  
 itaq;, & radicibus victitabant,  
 cubabant sub dio: Ludouico  
 interim proditionem animo a-  
 gitante: cuius tandem patriam  
 attigerunt, procul admodum à  
 mari sitam, à siluestribus homi-  
 nibus, iisq; uide agentibus, ha-  
 bitatam. Socios ille in pago mo-  
 rari iubet, seq; expectare, dum  
 salutatis amicis, redeat. Profe-  
 ctus igitur quinq; passuum mil-  
 libus, ad diem dictam rediturum  
 se pollicitus, cunctabatur: qui  
 dies cum venisset, quatuor item  
 additis, diuturnæ moræ, & soli-  
 tudinis pertæsus Baptista, sacer-  
 dotem cum fratre ad Ludouicum  
 allegat. Hic structis insidijs, (in-  
 certum,

certū, siue quia à fide Christiana transfuga desciverat, seu quia proditionē pridem animo cogitarat) armata omni familia, Socios aggressus, incautos summa perfidia necat. Postridie ei<sup>9</sup> diei vix illuxerat, ceteros Barbarum in modum adoriuntur, & silenti nocte, duce Ludouico, interimunt Socios, genibus nixos, precibusque ad DEVM fatis, mortem fortiter pro fide oppetentes. Exspoliant cadauera Barbari: sacratis vestibis sese induunt: illudunt, petulanterque insultant, quasi rem magnam, contrucidatis inermibus, & non repugnantibus, praestitissent. Arculam mox tres aperiant, thesauro inhiantes. Erant hic Biblia sacra, Missarum officia, libelli pij, precum orbiculi, imagines, agni caelestis effigies,



gies, cilicia, & flagella: Religio-  
 forum nimirum arma, quibus  
 & carnem ipsi domant, & Dæ-  
 monem fugant. CHRISTI item  
 Cruci affixi imaginem contine-  
 bat, quam simul curiose aspici-  
 unt, exanimis ceciderunt, hu-  
 mo afflicti, & mortui. Comites  
 qui aderant, inopinata reper-  
 territi, in fugā se, terga verten-  
 tes, dederūt. Quæ quidem cer-  
 ta fide retuli, à se oculis conspe-  
 cta, Hispanus adolescens, qui è  
 classe Socios comitabatur: ideo  
 non iugulatus, quod ad idola e-  
 uertenda minime venisse, & te-  
 nera adhuc ætate cum esset, ni-  
 hil metuendum, sed in vinculis  
 habendum putarint. Occubue-  
 re etiā Baptista Segura, Toletæ  
 Carpetanorum oriundus, mo-  
 rū probitate FRANCISCO gra-  
 tiosus, Ludouicus item Quiros,  
 sacer-

LIBER TERTIVS. 263

sacerdotes. His aderant fratres,  
Gabriel Gomez, Petrus Lina-  
res, Sanctius Sauallius, Ioannes  
Baptista Mendes, Christopho-  
rus Rotondus: alter item Ga-  
briel de Soliz. Eo ipso anno, vt 1568.  
ex Indi is litteris didici, ob ean-  
dem fidei constantiam Franci-  
scus Lopez interfectus; dum è  
Cochinensi Collegio Goam  
proficiscitur, à piratis Mauris  
captus, cū tribus Socijs: quodq;  
r. so vertice viderent, sacerdo-  
tem, quod res erat, diuinarunt:  
ad fidei defectionem sollici-  
tant: sic saluum fore & incolu-  
mem Honores etiam pollicen-  
tur: Precibus deniq; minas mi-  
scent: Ille vero: *Ego ne vt CHRIS-  
TI castra deseram? non sinat ille  
DEVS, cui milito. Quoduis po-  
tius supplicij genus subire stat sen-  
tētia, quam à Christiana Religione  
migrem.*

*migrem.* Lancea itaque illa confodiunt: ille ad Beatorum sedes abiit, feliciter. Alterum è Sociis captiuum abducunt: quid reliquis factum non comperi. Eodem ipso anno, Socios iterum binos Oranum in Africam FRANCISCVS misit, Petrum Domenicum, & Hieronymum Mur: vtrumque Valentia superstitem vidimus: Comites hi dati fratri germano, Petro Ludouico Borgiæ, Magistro equitum Montefanorum, à Philippo Rege misso, vt eam Africae oram armis teneret, & militaribus copiis præesset. Socij in hac statione incolis, & militibus sacra rite procurarunt.

## CAPVT VII.

*Socij Peru Indiarum prouinciam, & nouam Hispaniam ingressi.*

EODEM